

No. 100. 1446. 7. Juni.

Kurf. Friedrich II. bestimmt die Gränzen des Weichbildes der Stadt und tritt an dieselbe die Gerichtsbarkeit über die Häuser unter dem Schlossberge und auf dem Jahrmarkte, sowie den der Landesherrschaft zustehenden dritten Theil des Ertrags derselben widerrufflich ab gegen jährliche Zahlung von 12 Schock Gr.

Von gots gnaden wir Friderich herzog zu Sachssen, des heiligen Romischen erczmarschalg, lantgraue in Doringen vnd marggraue zu Missen fur vns vnser erben vnd erbnehmen bekennen —, als danne die ersamen vnser lieben getruwen burgermeistere rete vnd gancze gemeinde vnser stat Missen die zeweiteile des gerichtts daselbst im wichtbilde, als wiet als ir wichtbilde vßwieset, nemlichen oberste vnd nyderste uber hals vnd hant verdingen, vnd gerichte uber alle schuld mit allen bussen wetten zeinsen renten vnd zugehorungen von vnsern voreldern seliger gedechtnuß vnd vns etweuil iar vnd bißher vff ein ablosung, nach laut vnd innhald der brife yn daruber gegeben, inngehabt besessen vnd der gebrucht haben, die nochmals also innehaben besiczen vnd der gebruchen. Vnd wanne auch bisher zewischen vnsern amptluten doselbst zu Missen vnd den genanten vnsern burgern mancherley zewiitragt von der obgerurten gerichte wegen, innen vnd vor der stat Missen vmb des willen, das derselben malstete vnd anewente nicht eigentlichen in den vorgedachten briefen begriffen steen, vff sint erstanden, ein solchs vmb eintracht willen, die vns allezeit liebt zuuerkomen, haben wir mit gutem vorrate vnser rete heimlichen lieben getruwen, die vnsern mit namen Jorgen von Bebemburg vnsern obermarschalg, ern Casparn von Schonenberg techande zu Missen, ern Johannsen Magd- burg tumprobst zu Nuemburg vnsern canczler, ern Jochen von Slinicz ritter, ern Steffan Missner vnsern schosser vnd Sigmunden von Schonenfels vnsern voit daselbst darczu geschicket, die mitsampt etlichen burgern vom rate vnd der gemeinde vnser genanten stat Missen darczu gegeben alle malstete vnd anewenten des obgnanten gerichtts, wiewiet vnd ferre die burgere furbas innen vnd vßwendig vnser stat Missen richten mogen vnd sollen, inmassen als hernach geschriben stet, eigentlich haben vorzeichent. Nemlich so mogen vnd sollen die egnanten burger zurichten haben vmb alle sache als hieuor berurt ist, den kalkofen mit sinen zugehorungen, mitten glich in die Elbe vnd an der Elbe abhyn, wo das wasser nicht rurt an den thorm hinter sent Jacobs capellen, item von dem gnanten kalkofen vff hyn den weck vnter dem berge mit der ezigelschunen vnd furder denselben wegk biß an die ecke Symon Monchs schune mit dem garten vor der schunen, von der obersten ecken desselben garten vnter dem berge vffhyn an die pforte des statschribers wynbergs vnd gein der pforten glich uber die lantstrasse biß an die zeeune der erbeschafft des Nuwenmarcetes, vnd was dieselben zeeune vnter dem berge begriffen vnd beslissen biß an die frieheit sente Niclas kirchen; von sente Niclas kirchen glich uber die Trebische, Wenzlawn Segels schune vnd garten, als die zeeune glich uber den molgraben an das steynnen cruce erzeigen. Item von dem wetherkruce vnter dem Questenberge,